

საქართველოს საბჭო.



სსრკ. რესპუბლიკის

Handwritten notes and stamps: 25/1, 4, 49, and a circular stamp with text.

მუშათა და ზღაპრთა მთავრობის

კანონთა და განკარგულებათა კრებული

სახალხო კომისართა საბჭოს და ეკონომიური საბჭოს
საქმეთა მმართველობის განმაცხევა

1936 წ. დეკემბრის 25.

№ 32

თბილისი.

შ ი ნ ა ა რ ს ი

სოციალური უზრუნველყოფა

196. წელთნამსახურობისათვის უმაღლესი სასწავლებლებისა და სამეცნიერო დაწესებულებების სამეცნიერო მომუშავეთა პენსიით უზრუნველყოფის შესახებ.

სოციალური უზრუნველყოფა

196. დადგენილება ც.ა.კ. და ს.კ.ს.

წელთნამსახურობისათვის უმაღლესი სასწავლებლებისა და სამეცნიერო დაწესებულებების სამეცნიერო მომუშავეთა პენსიით უზრუნველყოფას შესახებ.

უმაღლესი სასწავლებლებისა და სამეცნიერო დაწესებულებების სიეცნიერო მომუშავეთა პენსიით უზრუნველყოფისათვის სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ამა დადგენილების წესისამებრ წელთნამსახურობისათვის სიკვდილამდე პენსიის მიღების უფლება აქვთ შემდეგ პირთ: ა) საქართველოს სსრ უმაღლესი სასწავლებლების საშტატო პროფესორებს და მასწავლებლებს; ბ) საქართველოს სსრ როგორც სახელმწიფო, ისე ადგილობრივ ბიუჯეტზე მყოფი სამეცნიერო დაწესებულებების ნამდვილ წევრებს და სამეცნიერო თანამშრომლებს უფროს და უმცროსთ).

2. 1-ლ მუხლში ჩამოთვლილი პირნი წელთნამსახურობისათვის პენსიით უზრუნველყოფის უფლებას მიიღებენ იმის შემდეგ, რაც მათ იმუშავეს როგორც

სამეცნიერო მომუშავეებმა არა ნაკლებ 25 წლისა, აქედან საბჭოთა ხელისუფლების დროს არა ნაკლებ 10 წლისა, ან მიაღწიეს 60 წლის ასაკს და იმსახურეს სათანადო სასწავლებლებში თუ სამეცნიერო დაწესებულებებში არა ნაკლებ 10 წლისა საბჭოთა ხელისუფლების დროს. ამასთანავე, სამეცნიერო-სასწავლო მოღვაწეობის საერთო ვადაში ჩაითვლება სამეცნიერო თანამშრომლად მუშაობა სამეცნიერო-საკვლევო ინსტიტუტებში—ამ ინსტიტუტში ჩარიცხვის დღიდან, ან უმაღლეს სასწავლებელთან თუ სამეცნიერო დაწესებულებასთან დატოვების დღიდან.

1-ლი მუხლის „ბ“ პუნქტში აღნიშნულ ერთ-ერთ სამეცნიერო დაწესებულებაში შტატკარგზე მყოფი სამეცნიერო მომუშავის (უჯამაგიროს) მუშაობის დრო ჩაითვლება პენსიის მოპოებისათვის საჭირო სამსახურის ვადაში იმის შემდეგ, რაც ამ პირმა იმუშავა არა ნაკლებ 10 წლისა საშტატო სამეცნიერო თანამდებობაზე საბჭოთა ხელისუფლების დროს.

მ. პენსიის უფლების გამორკვევის დროს ჩაითვლება რევოლუციამდე სამსახური და მუშაობა უმაღლეს სასწავლებლებში და სამეცნიერო დაწესებულებებში, აგრეთვე პედაგოგიური მუშაობა სახელმწიფო, საზოგადოებრივ და კერძო საშუალო სასწავლებლებსა და სკოლებში, იმ სასწავლებლების გამოკლებით, რომლებიც დაკავშირებულ იყვნენ რელიგიურ კულტთან, და აგრეთვე კადეტთა და პაეტა კორპუსებისა, საიუნკრო და სამხედრო სასწავლებლებისა, ლიცეებისა და სამართალმცოდნეობის (правоведение) სასწავლებლებისა.

4. სამეცნიერო მეცადინეობის ან პედაგოგიური საქმიანობის შეწყვეტა, რაც ერთობილად სამ წელიწადს არ აღემატება, ან სამ წელიწადზე მეტი ხნით, შეწყვეტა, რაც გამოწვეული იყო არმიაში შობილიზაციით 1914-1918 წლებში— არა წყვეტს მე-2 მუხლით დადგენილ სტაჟის დენას, მაგრამ ამ სტაჟში არ თვლება, ხოლო სამ წელიწადზე მეტი ხნით შეწყვეტა წყვეტს სტაჟის დენას.

1-ლ მუხლში აღნიშნულ პირთა მოღვაწეობის სტაჟში ჩაითვლება შემდეგი შეწყვეტა: ა) წითელი არმიისა და ფლოტის რიგებში გატარებული სამხედრო სამსახურის დრო; ბ) 1921 წლის თებერვლის 25-ის შემდეგ საბჭოთა დაწესებულებებში, საზოგადოებრივ და საპროფკავშრო ორგანიზაციებში საარჩევნო თანამდებობაზე ყოფნის დრო; გ) რევოლუციამდე პოლიტკური დანაშაულისათვის საპრობილესა თუ ციხეში, კატორღასა თუ გადასახლებაში გატარებული დრო, აგრეთვე რევოლუციამდე მთავრების საწინააღმდეგო მოქმედებისათვის სამეცნიერო და სამსწავლებლო საქმიანობიდან გადაყენების დრო (სხვა საძუქოზე შესვლამდე); დ) ის დრო, რომლის განმავლობაშიაც ეძლევათ დახმარება დროებითი შრომაუუნარობისა და უმუშევრობისათვის; ე) კვალიფიკაციის ამაღლებისათვის სამეცნიერო მივლინებაში გატარებული დრო.

მ. 1-ლ მუხლში ჩამოთვლილ პირთ მე-2 მუხლით გათვალისწინებულ პირობებში პენსია ეძლევათ სიკვდილამდე იმ სამუშაო ხელფასის რაოდენობით, რასაც ისინი იღებდნენ უკანასკნელ თანამდებობაზე პენსიის უფლების წარმოშობის დღისათვის, ანდა სამსახურის ფაქტურად დატოვების დღისათვის, უკეთეს ამ

დროს მათი სამუშაო ხელფასი უფრო მეტი იყო; აპსთანვე, პენსიის რაოდენობა 500 მან. არ უნდა აღემატებოდეს.

იმ პირს, რომელიც იღებს პენსიის ამ დებულების თანახმად და რომელიც განაგრძობს მუშაობას თავის სპეციალობაში, იმის შემდეგ, რაც მან იმუშავა სათანადო სასწავლებელში ან სამეცნიერო დაწესებულებაში არა ნაკლებ ორი წლისა პენსიის დანიშვნის დღიდან, ეს პენსია მიეკება მისი ახალი სამუშაო ხელფასის საშუალო განაკვეთის რაოდენობით, რასაც იგი იღებს ამ თანამდებობაზე უკანასკნელი 6 თვის განმავლობაში. ახალი პენსია ყოველ შემთხვევაში ნაკლები არ უნდა იყოს პირველად გამოანგარიშებულ პენსიაზე.

უკეთეს წინა აბზაცში აღნიშნული პირი შრომაუნარიანობის გამო თავს დაანებებს თავის სამუშაოს სასწავლებელსა ან სამეცნიერო დაწესებულებაში, მას უფლება აქვს პენსიის გადიდებაზე, თავისი მუშაობის იმ სტაჟის მიუხედავად, რაც პენსიაზე ჩარიცხვის მეტდევაა გასული.

6. უკეთეს 1-ლ მუხლში აღნიშნული პირი შრომაუნარიანობას დაკარგავს 60 წლის ასაკის მიღწევამდე და უკეთეს მან იმსახურა იმავე მუხლით გათვალისწინებულ სათანადო თანამდებობაზე არა ნაკლებ 15 წლისა, აქედან საბჭოთა ხელისუფლების დროს არა იაკლებ 10 წლისა, მას უფლება აქვს ძილოს პენსია ნახევარი განაკვეთის რაოდენობით, ხოლო 20 წელზე არა ნაკლებ ნამსახურსა იმავე პირობებში—მთელი განაკვეთის რაოდენობით.

7. შრომაუნარიანობის დაკარგვა სამეცნიერო თუ სასამსახურო მოვალეობის ასრულების დროს ან ამ მოვალეობის ასრულებასთან დაკავშირებით უფლებას აძლევს 1-ლ მუხლში ჩამოთვლილ სამეცნიერო მომუშავეთ მიიღონ პენსია უკანასკნელი თანამდებობის მთელი სამუშაო ხელფასის რაოდენობით, მათთვის მუშაობისა და სამასწავლებლო მოღვაწეობის სტაჟის მიუხედავად.

8. 1-ლ მუხლში აღნიშნული პირის გარდაცვალების ან უგზო-უკლოდ დაკარგვის შემთხვევაში, იმ პენსიის უფლება, რომელსაც ის იღებდა ან მას უფლება აქონდა მიეღო, ეძლევა მისი ოჯახის შემდეგ წევრობ, რომელნიც მის რჩენაზე იყვნენ და რომელთაც არსებობისათვის საკმარისი სახსარი არა აქვთ: ა) 18 წლის ასაკს მიუღწეველ შვილებს (ძისწავლე შვილებს, პერსონალური პენსიების დამნიშნელი კომისიის განსაკუთრებული დადგენილებით თვითუცხადვე შემთხვევაში შეიძლება განეგრძოთ პენსიის მიცემა), აგრეთვე შრომაუნარიანობის (ინვალიდობის პირველი სამი ჯგუფის ინვალიდები) შვილებს, ძმებს და დებს, უკეთეს მათ შრომაუნარიანობა დაკარგეს 18 წლამდე; ბ) შრომაუნარიანობის (ინვალიდობის პირველი სამი ჯგუფის ინვალიდები) მშობლებს და მეუღლეს ან იმ მშობლებს და მეუღლეს, რომელთაც მიაღწიეს: მამაკაცმა—60 წლის ასაკს, ხოლო ქალმა—55 წლის ასაკს; გ) ამა მუხლის „ბ“ პუნქტში აღნიშნულ პირთაგან იმათ, ვინც თემცა შრომაუნარიანობა, მაგრამ უვლის გარდაცვალებულის და უგზო-უკლოდ დაკარგულის შვილებს, ძმებს და დებს, რომელთაც 8 წლის ასაკამდე არ მიუღწევიათ.

9. შრომაუნარიო მეუღლეს პენსია ეძლევა სრული პენსიის განაკვეთის (მუხ. 5 და 6) ნახევარი რაოდენობით, ხოლო მე-8 მუხლში ჩამოთვლილ დანარჩენ პირთ პენსიის განაკვეთის ერთი მეოთხედი რაოდენობით; ამასთანავე, ოჯახის ყველა წევრის პენსიის საერთო თანხა არ უნდა აღემატებოდეს პენსიის სრულ განაკვეთს. მეუღლეს და შობილებს, აგრეთვე შვილებს და დებს, რომელნიც გაინვალიდდნენ 18 წლამდე (მე-8 მუხლის „ა“ და „ბ“ პუნქტები), პენსია ეძლევათ სიკვდილამდე. პენსია ვაიციემა დღიდან პენსიის დანიშვნის შესახებ განცხადების შეტანისა საქართველოს სსრ სახალხო კომისართა საბჭოსთან არსებულ პერსონალური პენსიების დანიშვნელ კომისიაში.

ამა მუხლით დადგენილი პენსია ეძლევათ ოჯახის წევრებს მარჩენალის გარდაცვალებისას და მე-6 და 7 მუხლებით გათვალისწინებულ შემთხვევებში.

10. ამა დადგენილებით გათვალისწინებული პენსიების გასაცემად საქირო ხარჯი გაიღება სოციალური უზრუნველყოფის სახალხო კომისარიატის ხარჯთაღრიცხვით: ა) 50%—სახელმწიფო ბიუჯეტის სახსრიდან; ბ) ხოლო 50%—სოციალური დაზღვევის სახსრიდან, რაც საქართველოს სსრ სახელმწიფო ბიუჯეტში შედის.

11. წელთნამსახურობისათვის პენსიის მიღების უფლება არა აქვთ: ა) სასამართლოს განაჩენით საარჩევნო უფლება-ჩამორთმეულ პირთ; ბ) იმ პირთ, ვინც გადასახლებულ ან განდევნილ იყო საბჭოთა ხელისუფლების დროს, და იმ პირთ, ვისაც სასამართლოს მიერ მისჯილი ჰქონდა პენსიის უფლების ჩამორთმევა საქართველოს სსრ სისხლის სამართლის კოდექსის 31 მუხლში გათვალისწინებული შემთხვევებში; გ) იმ პირთ, რომელთაც თუმცა კონსტიტუციით საარჩევნო უფლება ჩამორთმეული არა აქვთ, ან რომელთაც ეს უფლება აღედგინათ, მაგრამ რომელთა წარსული მოქმედებაც მიმართული იყო მშრომელთა ინტერესების წინააღმდეგ (საღვთისმეტყველო დისციპლინების და რელიგიური მოძღვრების მასწავლებელნი, რელიგიურ კულტთან დაკავშირებულ დაწესებულებებში, სამხედრო-სასამართლო დაწესებულებებში და აგრეთვე მეფის დროის სხვა ცენტრალურ უწყებებში მომუშავენი, უკეთუ მათი საქმიანობა იქ მიმართული იყო მუშათა და გლეხთა ინტერესების საზიანოდ); დ) იმ პოლიტიკური პარტიების წევრთ, რომლებიც თავიანთ მიზნად ისახავდნენ მეფის ძალაუფლების აჩტიურად დაცვას; ე) იმ პირთა ოჯახის წევრებს, რომელთაც ჩამორთმეული ჰქონდათ პენსიის უფლება ამა მუხლის „ა“—„დ“ პუნქტებში აღნიშნულ საფუძველზე.

12. მე-11 მუხლის „ბ“ პუნქტში აღნიშნულ პირთ სასჯელის მოხდისას და უფლებათა აყრის ვადის გასვლისას შეუძლიათ ითხოვიონ პენსიის დანიშვნა ან აღდგენა მე-16 მუხლით დადგენილ წესისამებრ.

13. 1-ლ მუხლში აღნიშნულ პირთ, რომელნიც განაგრძობენ მუშაობას თავიანთ სპეციალობაში, შეუძლიათ მიიღონ პენსია დადგენილი რაოდენობით თვის მიუხედავად, თუ რა სამუშაო ხელფასი აქვთ თავიანთ სპეციალობაში.

ხოლო, უკეთეს ისინი შევლენ არა თავიანთი სპეციალობის სამუშაოზე, პენსია სამუშაო ხელფასთან ერთად არ უნდა აღემატებოდეს 750 მან. თვეში.

უკეთეს პენსია სამუშაო ხელფასთან ერთად ზემოაღნიშნულ ზღვრულ რაოდენობას აღემატება, პენსიონერის სამსახურში ყოფნის დროს პენსია სათანადოდ შემცირდება.

14. პენსიონერი ვალდებულია დაუყოვნებლივ აცნობოს საქართველოს სსრ სახალხო კომისართა საბჭოსთან არსებულ პერსონალური პენსიების დამნიშვნელ კომისიას ყოველი შემთხვევა, როდესაც მისი სამუშაო ხელფასი ზღვრულ რაოდენობას აღემატება.

15. უკეთეს ერთ წელიწადზე მეტი ხნის განმავლობაში პენსია მოთხოვნილ არ იქნა, იგი გაიცემა მხოლოდ უკანასკნელი 12 თვისათვის.

16. თხოვნა ამა დადგენილებით გათვალისწინებულ პირთათვის პენსიის დანიშვნის შესახებ აღძრულ უნდა იქნას სათანადო სახალხო კომისარიატის მეშვეობით და ამ თხოვნას განიხილავს საქართველოს სსრ სახალხო კომისართა საბჭოსთან არსებული პერსონალური პენსიების დამნიშვნელი კომისია.

პერსონალური პენსიების დამნიშვნელი კომისიის დადგენილება ძალაში შედის საქართველოს სსრ სახალხო კომისართა საბჭოს მიერ დამტკიცების შემდეგ.

17. 1-ლ მუხლში აღნიშნულთა შორის იმ პირთათვის, რომელნიც უკვე იღებენ პენსიას წელთნამსახურობისათვის, ამ პენსიის რაოდენობა, ამა დადგენილების გამოქვეყნდომ შემოღებისას, შეცვლილ არ უნდა იქნას.

18. ამა დადგენილების გამოცემისთანავე სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1928 წ. მაისის 17-ის დადგენილება „უმაღლესი სასწავლებლების აკადემიური პერსონალისა და სამეცნიერო დაწესებულებების სამეცნიერო დარგში მომუშავეთა პენსიით უზრუნველყოფის შესახებ“ (საქ. სსრ კან. კრ. 1928 წ. მე-9 №-ი, მუხ. 70) ძალადაკარგულად ჩაითვალოს.

სრ. საქ. ც. ა. კ-ის თავმჯდომარე ფ. მაზარაძე.

საქ. სსრ ს. კ. ს-ოს თავმჯდომარე გ. მგალობლიშვილი.

სრ. საქ. ც. ა. კ-ის მდივანი თ. ჟღენტაძე.

1936 წ. ნოემბრის 20. № 173/1589.

ტფილისი.

ფახი 20 კაპ.

გამომცემელი საქ. სსრ ს. კ. ს-ის 1936 წ. № 63. პ/მ. რედაქტორი ე. გამარიაძე

ქალაქის ფორმატი 62X94 სმ.; 1/2 ბეჭდვ. ფურც.; 1 ბეჭდვ. ფურც. 48.500 სტამბ. ნიშნის გადაეცა სტამბას 3/XII; ხელმოწერილია დასაბეჭდად 17/XII; ტირაჟი 2.100.

მთავლ. რწმ. № 870118 საქ. სახ. კომ. საბჭოს საქმ. მმართველ. სტამბა, ტფილისი. დაქ. № 1129